

Leetal ya ésupiyenu ya eyya San naakiice ya

2 San

Waah wa weeyem wa ti leetal eyye

Aluu pakanam keeyemaam ka ti káasiitan, inci kicanaa.

Añe leetal ya ésupiyenu ya eti San. Leetal eyye, ayme akiice yo? Eekiice yo ya, ay-onkalaayonkal fañoo “áhampaatiin a” (1), pale ti káawincinool, úyiniyaayini hisoku nii oonool oonooluu eekiice ya leetal ya éyaañ ya, akina ayem San, anapana ya ati Yéesu.

Teyme San naakiice leetal eyye? Máamun ti caanak ca coonool ca ta naakiice ta San éyaañ ya. Hikaw ha lombo hiti leetal eyye, hoonool huu niñ San éyaañ ya.

Ti pakayme San naakiice leetal eyye? Leetal eyye, akiicaakiic yo ti “aal aña Pútuun pa mpi-mamale ya niñ epuukoo” (1). Keemeenje nkasok nii, aal a aña niñ epuukoo káyiniyini piyeno canku niñ éyeniin ya eteyyo.

Heetaake ha hikaw ti leetal eyye, hikaayaakaay fo ti waah úhaaciil:

1. Kéeyinane ka kálafooli (5-6);
2. Kalon ti elon eti tooñaa (4,6,9);
3. Káhin kata kati kafaas fañii ti pikalanana pa keeneetaat ka pánipani (7-11).

Alaapalaka ti káasiitan ka kitaaluu. Alímaati Pútuun pa pípankin kunuu unaa, mpúwiiniyan saan unaa kati úyiniyaa kasayan hilim etempo, ti caacaw ca citi Añii etempo Yéesu Krista. Amíni.

Kakican ka

^I Aŋe inci áhampaatiin a yemuu ti hikiicu, inci kicanuu awe aal a aŋa Pútuun pa mpimamale ya, niŋ epuuki, payenka inci íllaŋiye ka ti tooŋaa ya. Neetaat inci lamayam láŋiye aluu, pale niŋ payenka púloonŋ keemeya ka tooŋaa ya.

^{II} Uláfilafi aluu kamma tooŋaa ya neekine ti unaa, neeyeno niŋ unaa fo cancowiyaaw.

^{III} Waah wa úhaaciil ewwe efuuyeno niŋ unaa: panap, paket hikaw niŋ kásuumaay. Ewwuu, ti Pútuun pa Paapaa ya núufulii niŋ ti Yéesu Krista, Añii ya ati Paapaa ya, ti tooŋaa niŋ pálaŋi.

Eloŋ ti tooŋaa niŋ pálaŋi

^{IV} Inci intaak pásuuma penfakat ta inci ímpannume ta nii pakakee ti epuuki unka ti eloŋ ti tooŋaa ya samat nii fa Paapaa ya naasoke fa unaa.

^V Fiye, aaluu, inci luumuu, úlafooliyaa. Inci neetaati ti hikiicu hilim héeyeeni pale hilim eehe núusiya kápiliŋ ti púcook pa.

^{VI} Aŋe ayem pálaŋi: útuulaa kilim enka Pútuun pa mpuwufane ka unaa. Ehe hilim ha: samat nii fa ínnisiye fa kápiliŋ ti púcook pa, pusok, nílafoli.

^{VII} Sokaasok eehe kamma hícuump picaakoola pakan nkahancalooliye ti púlunta pa, kéeyinanut ka nii Yéesu Krista ákeyyookey

samat nii an. An óo an eecuke nii payenkuu, oom an, acaakoola ninj lombo akamool a ati Eenucee ya.

^{VIII} Ooto nitah kunuu timpi nípuul páhin empa núuhine pa, pale ancuk kati nitaak cooy púmpulun ya etaaluu.

^{IX} An óo an eelehut ti pakalañanal pa piti Eenucee ya, pale naakatan po, oom an ataakut Pútuun pa. An óo an eetowiye ti pakalañanal pa, ataakaataak Paapaa ya ninj Añii ya.

^X An óo an éekeyii ti aluu apan ácoopiyoot pakalañanal empe, timpi niwananoo ti pukumpan aluu ninj fotom timpi nikicanoo.

^{XI} Kaatuko an óo an eekicanoo, ananfaananf lombo ti páhin pa piteyoo peenaput pa.

Kakican kikelan

^{XII} Inci taakaataak hícump waah ewwa iññane aluu hisoku, ewwa ammeya nii, láfiit wo hikiicu ti kaahit. Pale ínhin cíki nii, éfikey hiyoo pu aluu nuuyeniyaa núukupaa, ancuk utaakaa pásuuma penfakat.

^{XIII} Epuuk ya pakati púnuwi ti káyinan, aña Pútuun pa mpimamale ya, kakicanuu.

Kuloonaay
Karon: Kuloonaay (Portions)

copyright © 2018-2025 Wycliffe Bible Translators, Inc.

Language: Karon

Contributor: SIL International (in Africa)

All rights reserved.

2025-07-11

PDF generated using Haiola and XeLaTeX on 10 Jul 2025 from source files
dated 11 Jul 2025

404e2c05-c6eb-5f56-8cae-50a5b595ef9a